



Síldarvinnslan hf. auglýsir eftir aðalbókara í Neskaupstað.

Síldarvinnslan

Síldarvinnslan er eitt öflugasta sjávarútvegs-fyrirtæki landsins. Það er stærsti framleiðandi fiskimjòls og lýsis á Íslandi og á sér rúmlega 60 ára sögu. Fyrirtækið gerir út fjögur skip undir eigin merkjum og rekur fiskiðjuver og fiskimjòlsverksmiðju í Neskaupstað og frystihús og fiskimjòlsverksmiðju á Seyðisfirði. Fyrirtækið á einnig útgerðarfélagið Berg-Hugin í Vestmannaeyjum, auk þess að eiga hlut í fleiri útgerðum. Síldarvinnslan leggur áherslu á sjálfbæra nýtingu sjávarauðlindarinnar og leitast við að nota nýjustu tækni sem völ er á til veiða og vinnslu. Hjá félaginu starfa um 360 manns og leggur fyrirtækið sig fram um að bjóða upp á öruggt og gott vinnuumhverfi og samkeppnishæf laun. Síldarvinnslan hefur hlotið jafnlaunavottun frá Jafnréttisstofu.

Neskaupstaður

Neskaupstaður er blómlegt samfélag með um 1.500 íbúa. Náttúrufergurð er mikil og þar er gott að ala upp börn. Í Neskaupstað er öflugt íþróttastarf og félags- og menningarlíf, gott skíðasvæði í Oddsskarði, fallegur 9 holu golfvöllur, einhver besta sundlaug landsins og fjölbreytt tækifæri til útivistar og veiða. Einnig er skólastarf metnaðarfullt og auðvelt er að fá pláss á glænýjum leikskóla, auk þess sem Fjórðungs-sjúkrahús Austurlands er á staðnum. Neskaupstaður er hluti af Fjarðabyggð, 5.000 manna sveitarfélagi sem byggir á öflugu og stöðugu atvinnulífi. Ný veggöng til Eskifjarðar sem tekin voru í notkun árið 2017 voru bylting í samgöngumálum byggðarlagsins.

Aðalbókari

Aðalbókari hefur yfirumsjón með fjárhags- og viðskiptabókhaldi félagsins og tryggir réttmæti fjárhagsupplýsinga. Jafnframt kemur aðalbókari að gerð ársreiknings, árshlutareikninga og annarra reglubundinna uppgjöra móðurfélagsins og samstæðunnar í samvinnu við fjármálastjóra. Aðalbókari tekur þátt í greiningu fjárhagsupplýsinga og undirbúningi upplýsinga fyrir stjórn og framkvæmdastjóra.

Menntun og hæfni

- Háskólamenntun á sviði viðskiptafræði. Meistaragráða (MACC) í reikningshaldi og endurskoðun er kostur
- Reynsla af uppgjörsvinnu og ársreikningsgerð
- Reynsla af færslu og umsjón bókhalds
- Þekking á Navision, Excel og PowerBI
- Góð íslensku- og enskukunnátta
- Færni í mannlegum samskiptum og teymisvinnu

Vinnustöð aðalbókara er á skrifstofu félagsins í Neskaupstað. Ef nýr aðalbókari býr ekki þegar á svæðinu mun Síldarvinnslan aðstoða við búferlaflutninga, þ.m.t. atvinnuleit maka.

Umsækjendur eru beðnir um að sækja um störf in í gegnum Alfreð (alfred.is). Umsóknarfrestur er til og með **1. nóvember 2020**.

Nánari upplýsingar um starfið gefur Hákon Ernuson, starfsmannastjóri (hakon@svn.is)